

KRUISGENOOT

31 Augustus 2025

NGK RUSTENBURG-SUID

JESUS LEEF EN ONS MET HOM

A vintage silver microphone with a ribbed grille, positioned vertically in the lower-left foreground. The background is a bokeh of warm yellow and cool blue lights.

Speel die regte melodie
Romeine 12:3-8

Kontak

071 436 0102

ngrbsuid@gmail.com

www.ngrustenburgsuid.co.za



NGRtbsuid



ABSA 122 058 012 8



Kaart fasiliteite in die kantoor beskikbaar

KANTOORURE

08:00 - 13:00

SKRIBA

Helena Heystek-De Klerk

071 436 0102

LERAAR

Ds Driaan Britz

083 232 4706

driaan@eeworks.org

Bid vir mekaar

Siek of in die Hospitaal

Marjorie Landsberg

Freddie Alberts

Annatjie Smuts

Marie Nel

Jac van der Bergh

David Jansen van Vuuren

Lienke Venter

Wimpie Espach

Johann Espach

Marcel Derks

Fancis Jackson

Grietha Paxton

Ronel Clappen

LEKKER VERJAAR

31 Augustus -

1 September -

1 September -

1 September -

2 September -

2 September -

2 September -

Mardus van Heerden

Shantèl Bernard

GJ Botha

Denise Nel

Elsie Enos

Gerhard Potgieter

Liezel Willemse

Tunisië: Baie Christene ervaar sosiale vyandigheid en verkies dus om hul aanbidding in die privaat te doen. Bekeerlinge van Islam ervaar dikwels verwerping deur hul families en gemeenskappe. Bid vir gelowiges en vir geleenthede om veilig te vergader en geestelik te groei.

Algerië: Bid vir die beskikbaarstelling van Bybelmateriaal in plaaslike tale ondanks toenemende uitdagings. Ekonomiese druk, regeringsbeperkings en toenemende geestelike konserwatisme bemoeilik evangelisasie en toegang tot Bybels. Bid vir krag en wysheid en geestelike ontvanklikheid.

Marokko: Ekonomiese druk en wetlike beperkings bemoeilik Bybelverspreiding. Bid dat ons werk sal help om ondersteuning te bied aan nuwe gelowiges. Bid vir wysheid en die beskerming van ons personeel en nuwe geleenthede.

Egipte: Te midde moeilike ekonomiese omstandighede verskaf ons Bybelgenootskap steeds bekostigbare Bybelmateriaal aan kerke en individue. Ons gesubsidieerde missionale Bybels en Bybelgedeeltes is 'n reddingsboei vir uitreikwerk. Bid dat hierdie materiaal mense se lewens diep sal raak, asook vir God se voorsiening.

bid



Geloof stry onophoudelik teen versoekings

Johannes Calvyn, H.W. Simpson vertaal deur, and vertaal deur Brink C.M.M., Institusie van Die Christelike Godsdiens (Potchefstroom: Calvyn-Jubileum boekefonds, 1984).

“Maar”, sal iemand sê, “die ervaring van gelowiges is tog heeltemal anders omdat hulle in die ondersoek na God se genade jeens hulle nie alleen deur onrus versoek word nie – iets wat dikwels met hulle gebeur – maar soms ook deur die ergste verskrikkings geskok word”. Die geweld van die versoekings om hulle gemoedere te versteur is so groot dat dit lyk asof dit nie genoegsaam met die geloofsekerheid hierbo verband hou nie. Wanneer ons leer dat ons geloof vas en seker moet wees, verbeel ons ons in elk geval nie ’n soort sekerheid wat nie deur vertwyfeling geraak word nie, of ’n soort onbesorgdheid wat deur geen bekommernis oorval word nie. Nee, ons sê eerder dat gelowiges in ’n onophoudelike stryd met hulle eie wantroue gewikkel is. Verre sy dit van ons dat ons hulle gewete in die een of ander kalm rustigheid stel wat hoegenaamd nie deur beroeringe onderbreek word nie. Tog sê ons aan die ander kant dat hulle nie van die gewisse vertrouwe wat hulle uit die barmhartigheid van God put, afvallig kan word of daarvan kan afwyk nie, hoe hulle ook al geteister word.

Die Skrif hou nie ’n duideliker of gedenkwaardiger voorbeeld van die geloof aan ons voor as die geloof wat in Dawid aanwesig is nie, veral as ’n mens na die deurlopende gang van sy lewe kyk. Tog dui hy met ontelbare klagtes aan hoe onrustig hy altyd was. Dit sal voldoende wees om net ’n paar hiervan te kies. Wanneer hy die onrustige emosies van sy siel bestraf, wat doen hy dan anders as om hom vir sy eie ongeloof te vererg? Hy vra: “Waarom bewe jy, my siel, en waarom is jy onrustig in my? Hoop op God”. Hierdie onrus was sekerlik ’n duidelike teken van sy wantroue net asof hy gedink het dat hy van God verlate is. ’n Vollediger belydenis hiervan kan ons ook elders lees: “In my voortvarendheid het ek gesê: Ek is van die gesig van u oë weggewerp”. Elders worstel hy in onrustige en jammerlike vertwyfeling met homself, ja, hy stry selfs oor die natuur van God self: “Het God vergeet om medelye met my te hê of het Hy dit vir ewig van my af weggedryf?” Die volgende is nog krasser: “Maak my maar dood; die veranderinge van die regterhand van die Allerhoogste is my bekommernis”. Want hy veroordeel homself tot die verderf net asof hy alle hoop laat vaar het. Hy erken nie alleen dat hy deur vertwyfeling gedryf word nie maar hy laat niks vir homself oor nie, net asof hy alreeds in die stryd beswyk het omdat God hom verlaat het en Hy sy hand wat hom vroeër gehelp het, omgekeer het om hom te vernietig. Daarom spoor hy sy siel met baie goeie rede aan om tot sy rus terug te keer want hy het ervaar dat hy tussen onstuimige golwe rondgeslinger word. En tog is dit wonderbaarlik hoe die geloof die hart van godvresende mense te midde van sulke versteurings ondersteun. Dit is soos ’n palmboom wat teen die aanslae (van die wind) stry en weer regop kom. So hou Dawid nie op om na God te streef nie, hoewel dit vir hom gelyk het asof hy alreeds oorweldig is terwyl hy homself nogtans verwyd.

Iemand wat trouens met sy eie swakheid worstel en in sy benoudheid vir die geloof ywer, het reeds grotendeels oorwin. Dit kan ons uit hierdie en soortgelyke verwysings aflei: “Wag op die Here; wees sterk en Hy sal jou hart sterk maak. Wag op die Here”. Hy beskuldig homself van vreesagtigheid en hy herhaal dit twee maal en erken dat hy dikwels aan baie versteurings blootgestel is. Intussen is hy te midde van hierdie gebreke nie soseer ontevrede met homself nie, maar hy trag ywerig om homself te verbeter. As ons hom in elk geval aan grondige ondersoek sou onderwerp en met Agas sou vergelyk, sal ons ’n groot verskil vind. Jesaja word gestuur om die goddelose geveinsde koning in sy benoudheid te help. Hy praat soos volg met hom: “Neem jou in ag en wees gerus; moenie vrees nie”, ensovoorts. Maar wat was sy reaksie? Soos tevore gesê, was sy hart in beroering soos bome in ’n bos deur die wind geskud word. Ten spyte daarvan dat hy God se belofte gehoor het, het hy nie opgehou om te vrees nie. Dit is dus ’n besondere loon en straf vir ongelowigheid om so te bewe dat hy hom in die versoekings van God af wegkeer en dat hy nie deur die geloof vir homself ’n deur oopmaak nie. Daarteenoor kom gelowiges, wat gebuk gaan onder en byna platgedruk word deur ’n massa versoekings, weer orent al is dit nie sonder onaangenaamheid en moeite nie. En omdat hulle bewus is van hulle eie swakheid, bid hulle saam met die profeet: “Neem die woord van waarheid nie geheel en al van my mond weg nie”. Met hierdie woorde word ons geleer dat hulle soms stomgeslaan is, asof hulle geloof platgeslaan is. Tog swig hulle nie en hulle vlug nie daarvan weg nie maar hou vol met die stryd en deur te bid skerp hulle hulle traagheid op om te verhoed dat hulle gevoelloos sou word deur daaraan toe te gee.

G-Om Projek - Wee Care Project



#verskilmakers

Help ons asb om 'n verskil in die lewe van 'n kind te maak

Ons nooi ons gemeenskap uit om deel te word van ons projek deur jou tyd en liefde te skenk as vrywilliger by ons kleuterskool.

Hoekom betrokke raak?

- Jy help om 'n veilige, liefdevolle leeromgewing vir behoeftige kinders te skep.
- Jou betrokkenheid inspireer en bemagtig die jongste leerders in ons gemeenskap.
- Al is dit net drie ure per week, die impak op 'n kind se lewe kan vir ewig wees.

Geen vorige ondervinding nodig nie -
net 'n geduldige hart wat wil help!
Ons wys jou alles wat jy as vrywillige
tannie-juffrou moet weet.

Indien jy belangstel of meer wil weet van ons kleuterskool, kontak ons asb! Daar is verskeie maniere hoe jy (en jou vriende of maatskappy) betrokke kan raak by ons aktiwiteite.

Laat ons saam glimlaggies skep en drome bou.

Kontakbesonderhede:

Marieta Herbst: 063 705 0304
Christel Herbst: 082 785 2439



NPO: 050 549

PBO: 930032788 (Article 18A Organisation)

Word deel van die gebedsspan!

Kontak Maggie - 082 652 9260



'N KERK WAT BID

Jakobus 5:13-20

Bybelstudie
Woensdag 09:00

Koffie en Tee



In die saal na die diens